



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 27.2.2017

Presidi: Peer-Puorger Victor
Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco
Fabrica: Paulmichl-Rodigari Albin

Giasst/s:

tractandas	tema	responsabel
22	012 Executiva Acconsentimaint protocol	tuots
23	021 Administraziun da fabrica Dum. da fabrica no. 009/2017, müdamaint frequenza, Swisscom Broadcast AG, parcella 4302, Farina Cotta, 7558 Strada	vp/ap
24	021 Administraziun da fabrica Dum. da fabrica no. 001/2017, fabbricar oura implant da comunicaziun mobila, Swisscom (Schweiz) AG, parcella 6091, Acla da Fans	vp/ap
25	021 Administraziun da fabrica Dum. da fabrica no. 010/2017, allontanamaint tet lobia süd, Gürber Julius, parcella 6366, Bügliet, 7557	vp/ap
26	790 Planisaziun dal territori Ingrondimaint zona da mansteranza Quadra Secha Approvaziun da la revisiun parziala	vp/ap
27	101 Masüraziun e termaziun Zona da planisaziun dal cumün Prolungaziun da la zona per 2 ons	vp/ap
28	900 Impostas cumünalas Relasch d'impostas cumünalas	vp/mf
29	790 Planisaziun dal territori Contrat da barat Cumün da Valsot - Urs & Marianne Caviezel	vp/ap
30	012 Executiva Elecziun da las cumischiums cumünalas	tuots
31	012 Executiva Orientaziuns	tuots

32 012 Executiva
Varia (suprastanza cumünala)

tuots

012 Executiva

22 Acconsentimaint protocol

Il protocol da la sezzüda da la suprastanza dals 7 favrer 2017 vegn approvà.

021 Administraziun da fabrica

23 Dum. da fabrica no. 009/2017, müdamaint frequenza, Swisscom Broadcast AG, parcella 4302, Farina Cotta , 7558 Strada

I's tratta qua unicamaing d'ün müdamaint da la frequenza vi da'l mast cullas antennas a Mot. Per quel intent bsögna quai lura eir be il permiss davart da l'uffizi per la natüra ed ambiaint, il qual es avantman. La suprastanza conceda il permiss.

021 Administraziun da fabrica

24 Dum. da fabrica no. 001/2017, fabrichar oura implant da comunicaziun mobila, Swisscom (Schweiz) AG, parcella 6091, Acla da Fans

Previs sun divers müdamaints vi da l'antenna existenta. La fatschenda es in uorden. Il permiss davart da l'uffizi per la protecziun da la natüra ed ambiaint es avantman. La dumonda es statta publichada e tuotta ulteriura documainta es avantman. La suprastanza conceda quel permiss.

021 Administraziun da fabrica

25 Dum. da fabrica no. 010/2017, allontanamaint tet lobia süd, Gürber Julius, parcella 6366, Bügliet, 7557

Il petent vaiva survgni il permiss da fabrica per ingrandir la porta dal tablà e müdar l'utilisaziun dal quel in üna garascha. Plünavant til d'eira gnü permiss da drivir üna part da la paraid dal tablà cun duos üschs da trar per star a sulai.

Dürant la procedura da fabrica vaiva quel lura eir inoltrà la dumonda per pudair allontanar il tet sur la lobia vers süd culla mira d'obtgnair quel permiss insembel cul permiss manzunà survart. Quella dumonda nu d'eira però part da la dumonda da fabrica, uschè cha quella nun es neir na gnüda trattada. Uossa ha il petent inoltrà tala dumonda. La fatschenda es gnüda surdatta a la cusgliadra da fabrica per ün parair. Da quella vart vain cusglià da na conceder quel permiss. La lobia cul tetin fuorma ün'unità chi'd es fich degna da gnir mantgnüda ed as rechatta illa zona da cumün ed implü in üna zona da mantegnimaint. Là han da gnir protets fabricats pregnants pel purtret dal cumün.

La suprastanza decida da refüsar la dumonda. Ultra da quai vain inchargià al petent la taxa da trattamaint da la dumonda sco eir ils cuosts da la cusgliadra.

790 Planisaziun dal territori

26 Ingrandimaint zona da mansteranza Quadra Secha

Approvaziun da la revisiun parziala

Il capo ed il manader tecnic d'eiran stats a Cuoir a per trattar la fatschenda regard l'ingrandimaint da la zona da mansteranza. Il manader tecnic preschainta ils plans e dà las diversas infuormaziuns. Ultra da quai preschainta el eir il rapport da planisaziun e cooperaziun redigi da nos planisader – büro Stauffer - Studach, il qual es eir fingià avantman. La suprastanza es perincletta culla revisiun parziala dal plan da zonas e tilla sancziunescha. Sco prossem pass po quella uossa gnir inoltrada al Chantun per l'examinaziun preliminar. Il böt füss da preschantar quella a la radunanza, chi varà lö i'l mais mai. In seguit a la publicaziun po la revisiun gnir suottamissa a la regenza pella sancziun. Quai es premiss sül mais lügl/avuost 2017. I's ha bunas vistas, cha la dumonda vain sancziunada pervi chi's tratta qua d'ün fabricat per üna bacharia d'importanza regionala.

In cas, scha'l fabricat nu vess da gnir realisà crouda la parcella darcheu inavo illa zona d'agricultura.

101 Masüraziun e termaziun

- 27 **Zona da planisaziun dal cumün**
Prolungaziun da la zona per 2 ons

Quella scrouda sül mais avrigl. I bsögna però amo temp per evader tuot ils puncts necessaris. Perquai decida la suprastanza da prolungar la zona da planisaziun per ulteriurs duos ons. La dumonda al Chantun po uschè gnir inoltrada.

900 Impostas cumünalas

- 28 **Relasch d'impostas cumünalas**

Sclerimaints cul administratur dal concuors demuossan, chi füss pussibel, nan dal temp, d'inoltrar quel dabun pell'integraziun i'l plan da collocaziun, però be cun gronds cuosts da procedura chi surpassan l'import debità per bainquant.

Uschè decida la suprastanza da scriber giò l'import da frs. 2'538.00.

790 Planisaziun dal territori

- 29 **Contrat da barat**
Cumün da Valsot - Urs & Marianne Caviezel

L'uffizi fundiari ha redigi il contrat da barat, il qual la direcziun vaiva chattà per bun. I'l fratemp es la fatschenda gnüda sclerida cul uffizi chantunal e da quella vart es gnüda calculada la valur cun frs. 3.20 al m2, quai chi correspuonda ad üna somma da frs. 14'596.70 (4,38 rps./punct). La suprastanza es perincletta cun quella.

Il vicecapo, Armon Mayer, manzuna chi's tratta pro la parcella chi vain baratada d'üna parcella da terrain da massa da la meglioraziun da Tschlin. Quel predschi calculà davart dal Chantun dess in avegnir eir gnir utilisà per ulteriuras venditas da terrain da massa da la meglioraziun da Tschlin, quai chi significha 4,38 rps/punct.

012 Executiva

- 30 **Eleccziun da las cumischiuns cumünalas**

Ils suprastants dal dicasteri han fat ils sclerimaints cullas personas da las singulas cumischiuns regard ev. demischiuns. Uschè vegnan fattas seguintas propostas pella perioda 2017-2020:

Cumischiun turistica

Nom e prenom	funcziun
Armon Kirchen	president e suprastant cumünal
Peter Mair	commember
Georg Janett	commember
Cla Duri Janett	commember
Doreen Carpanetti	commember

Cumischiun agricula

Nom e prenom	funcziun
Ursina Caviezel	presidenta e suprastanta cumünala
Emil Häfner	commember
Cla Janett	commember
Martin Bischoff	commember
Flurin Nef	commember

Cumischiun da planisaziun

Nom e prenom	funcziun
Fadri Riatsch	president e suprastant cumünal
Armon Lingenhag	commember
Andri Cantieni	commember
Angelo Horber	commember
Silvio Zini	commember

Cumischiun da pumpiers

Ursina Caviezel	presidenta e suprastanta cumünala
Angelo Horber	cumandant
Flurin Nef	vicecumandant
Karl Nef	tenent
Cla Janett	tenent

012 Executiva 31 Orientaziuns

Silvicultur Gisep Rainolter / demischiun

Gisep es gnü tschernü sco silvicultur dal cumün da Scuol. Uschè ha el inoltrà sia demischiun sco silvicultur dal cumün da Valsot e quai sülla fin dal mais favrer pella fin da mai 2017.

La suprastanza piglia cogniziun da quel fat. Ella nu vuless interlaschar da til ingrazchar per tuot seis grond ingaschamaint a bön da nos uffizi forestal e dal cumün da Valsot. Ella til giavüscha fingià hoz in sia nouva piazza tuot il bun, satisfacziun e prosperimaint.

Reguard successiun sto uossa la fatschenda gnir examinada ed analisada. A temp ütil sarà da chattar üna soluziun.

Elavuraziun nouva ledscha da turissem

Il termin es fixà per gövgia, 2.3.2017, 8h00 – 15h00, illa chasa cumünala Scuol. I fan part il suprastant, Armon Kirchen ed il chanzlist, Marco Fallet.

Invid ad üna dieta d'experts e da rait – promoziun da la sandà e prevenziun

L'uffizi da sandà chantunal invida a la dieta chi ha lö als 31 da mai 2017. Ün o duos commembers da la suprastanza faran part.

Passlung Martina – Scuol 2017

Il respunsabel, Mario Rauch, ingrazcha fich al cumün pel sustegn demuossà cun sponsorar premis.

Proget d'interregg «Mobile Jugendarbeit im ländlichen Raum» / gruppa da proget

Il respunsbel, David Pflug, davart l'associaziun da tet per la promoziun d'uffants e giuvenils, infuormescha cha actualmaing as planisescha il proget manzunà pella regiun Engiadina Bassa/Val Müstair ed il Vnuost. Pel accumpognamaint strategic dal proget esa previs da metter aint üna gruppa da proget cun persunas da la vart svizra e sco da la vart dal Vnuost. Quel dumonda sch'inchün da nos cumün as pudess imaginar üna collavuraziun cun gruppa.

La suprastanza destinescha al suprastant dal dicasteri, Armon Kirchen, sco rapreschantant per nos cumün.

012 Executiva
32 **Varia (suprastanza cumünala)**

Da la tractanda varia nu vain fat adöver.

7556 Ramosch, 01.03.2017



Il capo:

Il manader administraziun: